

alii vitæ generi aptior à parentibus judicatus, annum jam agens  
 15. ad Osnabr. Scholam alegatus est. Quam adeò assiduus vi-  
 sitavit, ut qvatuor annis, quemadmodum loqvuntur, absolve-  
 ret, testimonio admodum honorifico à Rectore *Jod. Kirchovio*,  
 communicato mihi ab Ampliss. & Praecell. Viro, *Dn. M. Jacobo*  
*Dürfeldio*, *B. Neffri Filio*, Gymn. Gustrov. Con-Rect. meritiss., Fau-  
 tore meo colendissimo, (qvod unà cum aliis *in Tract. de Westpb.* eru-  
 dita juris faciam publici) dimissus. Cum postea in Stadensi, Bre-  
 mensi Hamburgensiqve Gymnasiis aliquamdiu summa cum lau-  
 de commoratus fuisset, 1614. Giessensem Acad. adiit, in qua ma-  
 ximâ diligentia literis operatus est. Id ipsum publicæ inter alia  
 Dispp. sub quolibet Professorum Theol. hab. testantur, quarum  
 una sub Præsidio Giseniano videri potest Tom. IV. Dispp. Giess.  
 n. 9. p. 124., ut & qvod haud longo post Doctoratus phil. au-  
 ctus honoribüs, legendo ac docendo famam sibi pararit haud  
 pœnitendam. Quâ de causa ab Acad. Giess. testimonio denuò  
 instructus, (quod pariter ex benevolâ laudati M. Dürfeldii com-  
 municatione posideo) Rintelensem noviter erectam Acad.  
 1621. visitavit. Et postquam Con-Rectoratu Oldenburg., quem  
 hactenus usqve ad ann. 22. sustinuerat *M. Meno Hannekenius*, Theo-  
 logus postea Doctor celeb., biennio functus esset, 1624. Rosto-  
 chiensem Acad. ingressus, confessim de ea mereri quam opti-  
 mè cœpit, immortaliter de ea meritus, si perfata, quam mere-  
 batur, Professione publ. potiri licuisset. Meritorum Dürfeldij  
 testes laude meâ majores produco ipsos Theologos Rostoch., qui  
 itâ inter alia in Test. publ. 1628. ipsi dato : *M. Jac. Dürfeld*, cum  
 per septennium in Giessen, per annum in Rintelensi & biennium in Schola  
 Oldenb. juventutem, ut testimonia docent, fideliter informasset, antetrienni-  
 um & quod excurrit, in nostram Acad. pedem intulit ingve bonorum noti-  
 ziam & familiaritatem penetravit. - - Cum ejus id mereretur eruditio,  
 nonnemo ex professorio ordine eum Regiae Maj. Suec. commendavit dignissi-  
 mumque censuit, cui Professio Theol. in Upsal. Acad. concederetur. Qui  
 sunt è Collegio Professorum Senatus busus urbis eum inter hos numerarunt,  
 ex quibus Affelmanno p. m. successor eligeretur. Ampliss. etiam Senatus cum  
 Pastoratus apud nos vacaret ad D. Jac., cum inter hos retulit, è quibus per  
 suffragia Ecclesie Pastor eligeretur. - - Ne verò ab aliorum sententia pen-  
 dere videaris, quisquis es, age ex parte hominem Tilla, qua vulgavit, scri-  
 pta,